



Adresa: Ul. Hamdije Čemerlića 39a
71000 Sarajevo
<http://www.voda.ba>

Tel. +387 33 726 400
fax. +387 33 726 423
e-mail: info@voda.ba

Broj: **UP-1/21-2-40-409-2/25**

Datum: **13.10.2025. godine**

«Agencija za vodno područje rijeke Save» Sarajevo, rješavajući po zahtjevu Grada Visoko za donošenje Rješenja o vodnoj saglasnosti za aktivnost – rekonstrukcija betonskog mosta preko rijeke Bosne na regionalnoj cesti R 445 u gradu Visoko, a u postupku pribavljanja odobrenja za gradnju, na osnovu člana 109. stav (1) tačka 10. Zakona o vodama («Službene novine Federacije BiH», broj 70/06) i člana 200. stav (1) Zakona o upravnom postupku («Službene novine Federacije BiH», broj 2/98, 48/99 i 61/22), donosi

R J E Š E N J E **o vodnoj saglasnosti**

1. Gradu Visoko daje se vodna saglasnost za aktivnost – rekonstrukcija betonskog mosta preko rijeke Bosne na regionalnoj cesti R 445 izgrađenog na dijelu parcela označenih kao k.č. broj: 591/1 K.O. Ozrakovići i k.č. broj: 4302 K.O. Visoko, grad Visoko na osnovu projektne dokumentacije:
 - Glavni projekat sanacije betonskog mosta preko rijeke Bosne u Visokom (Knjiga 1 i 2, šifra: 01/2-796/16) urađen od strane «TRASA» d.o.o. Sarajevo, mart 2017. godine revidovan od strane «IPSA INSTITUT» d.o.o. Sarajevo, januar 2019. godine (Elaborat o hidrotehničkom dijelu projekta – Hidraulički proračun otvora i odvodnja mosta urađen od strane «ENCOS» d.o.o. Sarajevo, novembar 2017. god (Knjiga 2 - svezak VI)),
Ova vodna saglasnost može se koristiti isključivo u postupku pribavljanja odobrenja za gradnju/rekonstrukciju predmetnog mosta u skladu sa Zakonom o prostornom uređenju i građenju Zeničko-dobojskog kantona («Službene novine Zeničko-dobojskog kantona», broj 17/23).
2. Vodna saglasnost se donosi na osnovu pregleda dostavljene projektne dokumentacije iz tačke 1. dispozitiva ovog Rješenja koja se ovjerena vraća podnosiocu zahtjeva na trajno čuvanje i čini sastavni dio Rješenja a ista će se koristiti u postupku pribavljanja odobrenja za građenje.
3. Vodna saglasnost se donosi na osnovu pregleda dostavljene projektne dokumentacije, utvrđenog činjeničnog stanja i pod sljedećim uslovima:
 - 3.1. Sve radove na rekonstrukciji predmetnog mosta preko rijeke Bosne na regionalnoj cesti R 445 na lokalitetu između užeg gradskog područja na lijevoj obali sa naseljima na desnoj obali u gradu Visoko izvesti u skladu sa ovjerenom projektnom dokumentacijom iz tačke 1. ovog Rješenja.
 - 3.2. Investitor (korisnik vodne saglasnosti) je u obavezi da u skladu sa zakonodavstvom iz oblasti građenja angažuje stručno lice sa osnovnim zadatkom kontinuiranog nadzora (praćenja i kontrole) nad provođenjem projektovanih aktivnosti na terenu.
 - 3.3. Prije početka izvođenja radova na rekonstrukciji mosta neophodno je utvrditi postojanje instalacija vodovoda i kanalizacije, plina i ostale infrastrukture na obje obale i eventualno instalacije zaštititi ili izmjestiti uz saglasnost i nadzor mjesnog nadležnog preduzeća, koje će dati tehničke uslove za izvođenje ovih radova.
 - 3.4. U toku izvođenja radova, neophodno je poduzeti sve potrebne mjere zaštite, da predmetnim aktivnostima ne dođe do nastanka štete ili nepovoljnih posljedica po vode i vodni režim i postojeće korisnike voda.
 - 3.5. Prilikom izvođenja radova treba koristiti opremu i mašine koje su tehnički ispravne, bez nekontrolisanog isticanja tečnih goriva, maziva, hidrauličkog ulja i sl.
 - 3.6. U sklopu uređenja gradilišta dati organizaciju izvođenja radova uz opis i instrukcije u slučaju pojave incidentnih situacija i način sanacije njihovih negativnih posljedica.
 - 3.7. U visinskom pogledu niveletu mosta uskladiti sa utvrđenom kotom velike vode rijeke Bosne i proračunatim usporom usljed mostovskog suženja ($K_{VV1/100} = 415,30$ m n.m.), odnosno kotom donje ivice konstrukcije mosta ($K_{DIK} = 418,75$ m n.m.).

- 3.8. Korisnik saglasnosti je dužan da riješi imovinsko pravne odnose na lokalitetu gradilišta i pristupnim putevima.
 - 3.9. Odvodnju sa kolovoza mosta izvesti prikupljanjem oborinskih voda putem mostovskih slivnika, te ispuštanjem prikupljenih voda u rijeku Bosnu.
 - 3.10. Zagate, napere i pomoćne objekte i zahvate u koritu koji prilikom radova služe za lakše izvođenje određenih radova, izvesti na način da isti što manje ugrožavaju proticajni profil rijeke Bosne, a nakon završetka radova iste je potrebno ukloniti i korito, obale i okolni teren dovesti u prvobitno stanje.
 - 3.11. Tehnologiju izvođenja radova prilagoditi uslovima na terenu, uz odgovarajuća osiguranja ljudi i materijalnih dobara.
 - 3.12. Pri utvrđivanju dinamike izvođenja planiranih radova, voditi računa o periodu mriještenja plemenite ribe te istu usaglasiti sa ribolovnim društvom predmetnog područja.
 - 3.13. U toku radova na rekonstrukciji mosta, iskopani materijal i otpad koji će nastati u toku rušenja postojeće nadlučne konstrukcije i izgradnji nove i pratećih radova na rekonstrukciji se ne smiju ni privremeno odlagati na zemljišnu česticu «vodno dobro», odnosno unositi u vodotok i na njegove obale.
 - 3.14. Po završenim radovima, potrebno je izvršiti uređenje korita i obala rijeke Bosne u pojasu u kome su vršeni radovi, tj. dovođenje kompletnog terena u prvobitno stanje.
 - 3.15. Ukoliko se izvođenjem predmetnih radova ili drugim aktivnostima vezanim za predmetne radove prouzrokuju štetne promjene režima voda, prouzrokuju štete i naruši stabilnost korita i obala ili nanesu štete trećim licima, podnositelj zahtjeva je obavezan uzroke nastanka štetnih promjena otkloniti, a nastale štete nadoknaditi o vlastitom trošku.
4. Po završetku rekonstrukcije predmetnog mosta i obavljenog tehničkog pregleda izvedenih radova, korisnik vodne saglasnosti dužan je podnijeti zahtjev za izdavanje vodne dozvole. Zahtjev se dostavlja u skladu sa članom 12. stav (3) i članom 19. stav (2) Pravilnika o sadržaju, obliku, uslovima, načinu izdavanja i čuvanja vodnih akata («Službene novine Federacije BiH» broj 31/15, 55/19, 41/20 i 63/22).
 5. Ova vodna saglasnost prestaje važiti istekom roka od dvije godine, ukoliko u tom periodu ne bude pribavljeno odobrenje za gradnju i započeta rekonstrukcija predmetnog mosta u skladu sa glavnim projektom iz tačke 1. dispozitiva ovog rješenja.
 6. Ovo rješenje o vodnoj saglasnosti može se izmjeniti ukoliko za to nastupe razlozi utvrđeni u članu 130. stav (1) tačka 1., 2., 3. ili 4. Zakona o vodama, a zainteresirane stranke podnesu argumentiran zahtjev za izmjenu ovog vodnog akta.

O b r a z l o ž e n j e

Grad Visoko podnio je ovoj Agenciji dana 25.09.2025. godine zahtjev za donošenje rješenja o vodnoj saglasnosti za aktivnost – rekonstrukcija betonskog mosta na regionalnoj cesti R 445 preko rijeke Bosne izgrađenog na dijelu parcela označenih kao k.č. broj: 591/1 K.O. Ozrakovići i k.č. broj: 4302 K.O. Visoko, grad Visoko a u postupku pribavljanja odobrenja za gradnju za rekonstrukciju istog.

U provedenom postupku dostavljena je i pregledana sljedeća dokumentacija:

- Ovjereni kopiji Obavještenja o razvrstavanju pravnog lica prema klasifikaciji djelatnosti broj: 07-32.5-91625/19 izdatog dana 19.11.2019. godine od strane Službe za statistiku za područje Zeničko-dobojskog kantona,
- Ovjereni kopiji Uvjerenja o registraciji poreznog obveznika izdatog dana 15.11.2019. godine od strane Porezne uprave Federacije BiH - Kantonalni porezni ured Zenica,
- Ovjereni kopiji Rješenja o upisu u Jedinstveni registar obveznika indirektnih poreza broj: 04/1-17-1-UPJR/1-7981-2/19 izdatog dana 16.12.2019. godine od strane Uprave za indirektno-neizravno oporezivanje Banja Luka,
- Kopija Rješenja o prethodnoj vodnoj saglasnosti broj: UP-1/21-1-40-608-4/24 izdatog dana 30.12.2024. godine od strane «Agencije za vodno područje rijeke Save» Sarajevo,
- Kopija Rješenja o urbanističkoj saglasnosti broj: UP1-12-19-585/25 izdatog dana 08.07.2025. godine od strane Ministarstva za prostorno uređenje, promet i komunikacije i zaštitu okoline Zeničko-dobojskog kantona,

- Glavni projekat sanacije betonskog mosta preko rijeke Bosne u Visokom (Knjiga 1 i 2, šifra: 01/2-796/16) urađen od strane «TRASA» d.o.o. Sarajevo, mart 2017. godine (Elaborat o hidrotehničkom dijelu projekta – Hidraulički proračun otvora i odvodnja mosta urađen od strane «ENCOS» d.o.o. Sarajevo, novembar 2017. god (Knjiga 2 - svezak VI)) revidovan od strane «IPSA INSTITUT» d.o.o. Sarajevo, januar 2019. godine,
- Dokaz o uplaćenju upravnoj taksi na zahtjev.

Na osnovu uvida u dostavljenu dokumentaciju utvrđeno je sljedeće:

Postojeći most preko rijeke Bosne u Visokom nalazi se na regionalnom putu R 445 i povezuje uže gradsko područje na lijevoj obali sa naseljima na desnoj obali rijeke Bosne. Predstavlja svojevrsni simbol grada i važna je konekcija centra grada sa autobuskom stanicom i industrijskom zonom Ozrakovići. Izgrađen u periodu od 1927. do 1929. godine a zadnja rekonstrukcija mosta je bila 1974. godine. Izveden je kao armirano betonski most sa tri raspona gdje je rasponska konstrukcija u obliku luka sa projektovanim srednjim rasponom dužine 34 m i krajnjim rasponima po 31,5 m. Zbog značajnih oštećenja na mostu (na kolovoznoj ploči, stubovima i gredama nadlučne konstrukcije, gornjim dijelovima stubova iznad lučne konstrukcije, na asfaltu i ogradi mosta) planirana je rekonstrukcija mosta kroz više faza. Lučna konstrukcija i temelji stubova su u dobrom stanju.

Planirana rekonstrukcija predviđa rušenje postojeće nadlučne konstrukcije u cjelosti i izgradnju nove. Urbanističke uslove za rekonstrukciju predmetnog mosta je kroz Rješenje o urbanističkoj saglasnosti izdalo Ministarstvo za prostorno uređenje, promet i komunikacije i zaštitu okoline Zeničko-dobojskog kantona.

Uvidom u dostavljeni Elaborat o hidrotehničkom dijelu projekta – Hidraulički proračun otvora i odvodnja mosta koji je sastavni dio Glavnog projekta (Knjiga 2 - svezak VI) utvrđeno je da je za most u visinskom pogledu niveleta mosta prevashodno određena na osnovu hidrauličkog proračuna otvora mosta kojim je za max proticaj povratnog perioda 1/100 utvrđena kota velike rijeke Bosne na lokaciji mosta od $H_{1/100} = 415,30$ m n.m. odnosno kota donje ivice konstrukcije mosta ($H_{DIKM} = 418,75$ m n.m.) je na visini od min 3,31 m iznad kote velike vode povratnog perioda 1/100. Hidrauličkom analizom utvrđeno je da ne postoji negativan uticaj mosta na okolno područje.

Projektom sanacije mosta predviđena je ugradnja osam slivnika za prihvat i odvodnju oborinskih voda sa kolovozne konstrukcije. Voda iz slivnika će se prihvatati kanalizacionim cijevima koje će biti ovješene o konstrukciju mosta. Nakon što je prikupljena, oborinska voda će se spuštati kanalizacionim vertikalama niz stubove mosta do recipijenta – rijeka Bosna.

Projektna dokumentacija urađena je u skladu sa uslovima iz Rješenja o prethodnoj vodnoj saglasnosti donesenog od strane ovog organa, broj: UP-1/21-1-40-608-4/024 od 30.12.2024. godine, te je shodno članu 114. stav (3) Zakona o vodama, upisivanjem broja i stavljanjem otiska pečata ove Agencije na dio projektne dokumentacije pod nazivom: Glavni projekat sanacije betonskog mosta preko rijeke Bosne u Visokom (Knjiga 1 i 2, šifra: 01/2-796/16) urađen od strane «TRASA» d.o.o. Sarajevo, mart 2017. godine (tj. Elaborat o hidrotehničkom dijelu projekta – Hidraulički proračun otvora i odvodnja mosta urađen od strane «ENCOS» d.o.o. Sarajevo, novembar 2017. god (Knjiga 2 - svezak VI)), revidovan od strane «IPSA INSTITUT» d.o.o. Sarajevo, januar 2019. godine, data vodna saglasnost na istu.

Na osnovu utvrđenog činjeničnog stanja, a u cilju smanjenja negativnih uticaja predmetne aktivnosti na stanje voda, podnosiocu zahtjeva su ovom vodnom saglasnosti, u tački 3. dispozitiva Rješenja, propisani uslovi u skladu sa članom 114. Zakona o vodama i članom 10. Pravilnika o sadržaju, obliku, uvjetima načinu izdavanja i čuvanja vodnih akata, koje je isti dužan ispuniti u toku rekonstrukcije predmetnog mosta.

Podnosilac zahtjeva je uplatio upravnu taksu u iznosu od 60 KM u skladu sa Zakonom o federalnim upravnim taksama i tarifi federalnih upravnih taksi («Službene novine Federacije BiH», broj 6/98, 8/00, 45/10 i 43/13).

Uputa o pravnom lijeku:

Protiv ovog Rješenja može se uložiti žalba Federalnom ministarstvu poljoprivrede, vodoprivrede i šumarstva, putem ove Agencije, u roku od 15 dana od dana prijema Rješenja.

Žalba se podnosi neposredno pismeno, usmeno na zapisnik ili preporučeno putem pošte ovom organu i taksira se sa 15 KM administrativne takse prema tarifnom broju 3. Tarife federalnih administrativnih taksi.

Obrađivač akta:

Nermina Hodžić, dipl.inž.građ.

Prilog:

- Glavni projekat sanacije betonskog mosta preko rijeke Bosne u Visokom (Knjiga 1 i 2, šifra: 01/2-796/16) urađen od strane «TRASA» d.o.o. Sarajevo, mart 2017. godine,

Po ovlaštenju

Rukovodilac sektora za izdavanje vodnih akata



Nihad Pezo, dipl.inž.građ.

Dostaviti:

- Grad Visoko (prilog)
ul Alije Izetbegovića br 12 A, 71300 Visoko
- Ⓞ AVP Sava, ISV-vodna knjiga
- Sektor 40 – arhiva
- Oglasna ploča – AVP Sava